

34-5-1-13
GRATIARVM

A C T I O . 2

IN SALEMITANO AGVSTINENSI
Capitulo.

H A B I T A

A F. IOA: CARRERA DREPANITA
Eiusdem Ordinis Professo.

AD FIDELES CAPITANEVM, ET
Inuitos Ciuitatis Salemi.
§(r)§



P A N O R M I,

Apud Erasmum de Simeone: M. DC. XVIII.

Superiorum Permissu:

THE NATIONAL

REVENUE

DEPARTMENT

WASHINGTON

1900

1901

1902

1903

1904

1905

1906

1907

1908

1909

AD FIDELIS
CIVITATIS SALEM 92
CAPITANEVM, ET IVRATOS.

F. Ioa: Carrera Drepanita Augustinia-
nus, S.P.D.

REBREVIS de gratiarum actionibus oratio,
deque refamulādis beneficijs tractatus angustus,
quibus conveniret, diu ignarus, consilio denique
Fidelissima Civitati consecrari, & eiusdem Ca-
pitaneo, Fidelibusque Iuratis dicaui, & dicatum
volui: cum enim fundamentum gratia fides appareat, partus fidei
ad fidelem Civitatem spectabat, quod libentissime peregi, cum per
eam, Cœnobium Augustinenſe continuo incrementa suscepit,
tum etiam quia beneficiorum quotidie cumulus augeatur. Non
me latet quamplurimos de gratijs agendis scripſiſſe, nihilominus ad
scribendum denuo, & in lucem edere non dubitavi, ne vitam ſimi-
lem mortuis ducerem, atque ne (ut lupus ruſticum) ſic me raucum
feciffe invidia videretur. Aiunt enim non decere hominaciones (qui
à diuinis longe abſunt) alia noua velle videre: cum tot, & tan-
ta in vinea Domini viri maximi ediderint, ut nihil prateriſſe vi-
deantur. Qui tanta ſcripſerunt, quanta ferme nemo potuit videre
ſaltem, ne accuratè quidem perlegere.

Hi ſunt, qui ſape illud Salomonis inculcant, nihil nouum ſub
Sole, & illud Poeta, nihil diſtū, quod non ſit diſtū prius; quo-

A niam

niam eos latet, ut ex eadem massa Phidias cudebat imaginem,
aliam Praxiteles, aliam Lysippos, aliam Policletus. Veruntamen
nihil tam cultum, & adeo cumulatam, cui non aliquid addi queat.
& licet puerile ingenium ad tanta mysteria adeunda caligine qua-
dam, ac obnubilatione confundatur; tamen spes in Divina largita-
te habita (quæ suis unquam mentibus defuit) me ita erigit, ut de
gratiarum actonibus aliqua scribere Fidelissima Civitati non for-
midam. Decet compendiosam orationem Salmitans Vrbis consecra-
re, cuius Patronus fidelissimus exiit Divus Nicolaus puerorum
decus, iuvenum norma, viduarum defensor, virginum advocatus,
pauperum custos, & Christiana fidei acerrimus propugnator. De-
cui quoque & per ea quæ facta sunt, & per ea quæ fieri à fidelibus
Civibus Religionis Eremiticæ. Quæ cum hæc sint, non sine gravissi-
mis causis huiusmodi orationem Vobis fidelissimis Iuratis dedicare me
voluisse, nemo non videt. Alique ut illam pro vestra, qua est in
omnes Humanitate, & Clemen-tia, lata fronte dignentur suscipere.
quod si impetravero, & impetratam videro, vilescent mihi Cres-
opes, Crassi divites, Midae aurum, & mundi honores; quia hæc
omnia addiuntur, si veritati adheremus, & si legem inviolatam
servamus. Interim valete. Datum Ranthormi, sexto Kalendas
Maij M. DC. XXVIII.

Frater Ioannes Carrera Drepanita in Christo servus.



V M & contra voluntatem meam, & præter
 multorum opinionem, Patres conscripti,
 Ciues nobilissimi, vosque cæteri Auditores
 præstantissimi; cum igitur & contra volun-
 tatem meam, & præter multorum opinionem
 accidisset, vt mihi cum prouinciam suscipere necesse esset, de
 rebus agere scrijs, in multis, & varijs molestijs, cogitatio-
 nibusq; meis, hæc vna consolatio occurrit, quod qui facinus
 egregium aggrediuntur, ijs, etiam si non succedat, laus tamē
 aliqua debetur. Corda pauor pulsans, laudumq; arrepta Cu-
 pido, vim adhibuit, vt in præsentia tantorum virorū sermo-
 nem contexerem: sed vē mihi quia præceptum domini est,
 In medio magnatorum non præsumas, & vbi senes sunt non
 multum loquaris. Sed quid? Odi profanum vulgus, etsi pueri
 antiquitus in vtraq; Religione, publica ad negotia diuina, &
 secularia non admitterbantur, nihilominus inter phalanges
 Israëlitas resonabat, surgant pueri, & iudat coram nobis, &
 Romani consulto quemdam puerulū in Senatorum numero
 conscripserē, quia ex ore infantium Dominus perfecit laudem,
 & abscondita tenebrarum reuelauit. Ergo humanissimi Dni
 si puer, quasi purus dicitur, & sermo purus apparebit, & sine
 fūco verborū uestietur quia puer sum nesciēs loqui. Interim
 dum (de beneficij accepti memoria, & gratiarū actione extet
 præsens monumentū) ore fauete oēs accipite hæc animis, læ-
 tasq; aduertite mentes. nemo ex hoc numero mihi non do-
 natus abibit.



Gratus, vt ab his exordiar, Auditores præstantis-
 simi, est nomen merito odiosum, absonum, perse,
 atq; infestum cum gratiam rebus, & iucunditatem
 omnem

omnem eximere videatur, nihilque relinquat nobis, quod iure censeamus appetendum; etenim appetitur non quæ ingrata sunt, & infesta; sed quæ grata, quæque iucunda sunt: quæ ut consequamur omnem operam adhibemus. Ingrata vero, id est nō grata fugimus, & detestamur. Nomen igitur ingratum gratitudinem negat, quæ est spes iustitiæ, cū & gratitudo virtus sit, quæ benefactoribus gratiam recompensat, & ingratitude vitium, quo accepti beneficii gratia, vel omnino nulla, vel non satis digna refertur. Tres gratias Orpheum posuisse in hymnis, & Pindarum in odis habemus: quarum imagines primò Socrates, & mox Speusippus in scholis Platonis depingi fecerunt, Agleam scilicet Taliam, & Euphrosinam, quasi Iouis filias ex Eunomia esse, in coelo iuxta Apollinis thronum degerem, patremque totius Olympi Iovem scilicet perpetim collaudare.

Igitur pro agendis gratijs, de gratijs ordiamur thelā, quæ & nomen nostrum & perfecti, gratia interpretatur. Primò ergo subdit poetæ illas in Accidaliō fonte se lauare, quia sine fūco esse debet gratia, quapropter Verbum Dei caro factum, formam serui accipiens, cœterno Deo gratias retulit magis affectu, quàm verborum delectu dicens, Pater gratias ago tibi, quia audisti me; hinc Paulus regulam Domini securus, in omnibus Epistolis præmittebat, Gratia vobis, & pax à Deo, &c. sed quid de Augustino Religionum Monarca? Ipse enim post Christum passum, prior cōmuni vocabulo in militanti Ecclesia usus est, Deo gratias. Nunc verò pro beneficijs, & gratiarum actionibus, non occurrit vobis Demostenes, vel Tullius verborum splendore, nec Saulus altissima doctrina, vel Augustinus eleganti stilo; sed paruulus puer, immo ingenio,

nio, ætate, & sapientia puerulus, qua de re puerorum more
 simpliciter laudet, nec ipsemet animi pendē si apud vos ex-
 rat memoria veritatis in Mattheum, Sinite paruulos venire ⁷¹
 ad me, quia pueri gratiarū actionem etiam pro minimo sape
 referunt. O Dij boni? Tres esse voluerūt huiusmodi gratias,
 vt primam dantem, alteram accipientem, reddentem tertiā
 denotarent. Amabò audite, occurrit hic vulgare illud, datur
 mouens non motum, datur motum, & mouens, daturq; mo-
 tū nō mouens: in illa enim diuina Triade (Professores Theo-
 logi) in illa dico Triade sēpiternus Pater omnia dedit in ma-
 nu Filij, Filius accepit, & gratias retulit; aduertatis quēso gra-
 riarum distinctionem apud Lucam. Date, & dabitur vobis,
 mensuram bonam, & confertam, & coagitatā, & superflu-
 entem dabunt in sinu vestro; ecce refamulatio, immo sororū
 yicissitudo circulum amoris à bono in bonum continuò re-
 uoluentiū: etsi M. Tullius omnes honores suo ordine in Re-
 pub. obtinuit, liberauit ipse quoq; & eam ab incendio, & Ci-
 uitatē à cede coniuratorū, Catilina duce, quapropter primus
 in toga triumphauit, primusq; parens Patriæ appellatus est,
 erectis eius gloriæ perpetuis monumentis. Potiora beneficia
 contulit Deus Dauidi, addiciens, etsi parua sunt hæc, dabo
 multò maiora, vnde psaltes cupiēs re famulari canebat intra
 se, Quid retribuā Domino, pro omnibus, quæ retribuit mihi,
 &c. Satis constat beneficium Religionis nostræ corā te con-
 tulentis de Reipublicæ statu, deq; eiuldē actionibus, & simul
 clarescit Salmitana benignitas innumeris referta gratijs, dum
 tantos Patres gratiosē (quasi vera Ierusalem) fouet in sinu, &
 in visceribus colligit, sed me miserum, quia si Mercurius elo-
 quentiæ princeps, vt fabulatur poetæ, gratias ducit quò vult,
 quid

quid ego tantillus homuncio ratione destitutus, mendicus eloquentia cum gratijs referendis cōtendam? hoc videar mihi esse consecutus quando reminiscamini illius Psalmi centesimi vndecimi. Laudate pueri Dominum. Vnā auersam incedere, alias verò duas, nos recipere dicunt, quia profecta à nobis gratia duplex reuerti solet; quandoquidem illam duabus manibus aureum porrigere pomum ferunt, & illas recta facie beneficam conspicientes munera reddere duplicata, dicente Marone primo Eneidos, Nec mecum offero: nec te certasse priorē peniteat. Verum enimvero quæri solet à multis an recipiens beneficium tenetur plus exhibere, quàm accipit, quibus Philosophus satisfaciens respondet quinto Eticorum, quod refamulari oportet ei qui gratiam fecit, & rursus ipsum recipere, vnde & Angelicus Doctor secunda secunde quæstione centesima sexta, articulo vltimo, confitetur quod recompensatio gratiæ respicit beneficium secundum voluntatem beneficientis, in quo quidem præcipue hoc est commendabile, quod gratis beneficium contulit, ad quod nō tenebatur, quare qui beneficium accepit obligatur ex debito honestatis, vt similiter aliquid impendat. Non autē videtur aliquid gratis impendere, nisi excedat quantitatem accepti: quia quandiu recompensat minus, vel æquale, non videtur facere gratis, sed reddere quod accipit. Itaque propono vobis quasi speculum in enigmate, Marcium Coriolanum, patriam oppugnare conantem; admotoque portis Urbis ingenti Volscorum exercitu, funus, ac tenebras Romano Imperio minitantem: ex quo Vetruria mater, & Volumina vxor, nefarium opus exequi, precibus suis passæ non sunt, quapropter Senatus in honorem tanti viri Matronarum ordinem

beni-

benignissimis decretis adornauit, & quid de Israelitis dicam, qui ad Dominum respicientes pro munere accepto caneant, Tua sunt omnia, & quæ de manu tua accepimus, dedimus tibi, quia peregrini sumus coram te, & adueni; quapropter D. Pater Augustinus ad Marcellinum dicebat; Quid melius vel animo geremus, vel ore proferemus, vel calamo scribemus, quàm Deo gratias? hoc enim dicere nihil breuius, nec audiri lætius, nec intelligi gratius, nec agi fructuosius quicquam potest. Sed egomet Auditores ancipiti cura distrahor, veluti Hercules in biuium cū enim Apollo vbique gratias deducat, vnde qua via, quouis modo ad vos easdē reducere nescio: vna sola est consolatio, quod pueri excusantur si nō dignē (vt par est) gratias nō reddant; pueri enim Ebreorū Domino canebant, Osanna filio David, benedictus, qui venit in nomine Domini, &c. Amplius dicuntur gratiæ manus habere cōsertas, & complicatas: quia beneficiorum vincula gratiæ referendæ finem habere non debēt, sed eo redire vnde gratia profecta est, cum debitū gratitudinis ex charitate deriuetur: Ideo quanto plus soluitur, tanto magis debetur, adeo quod obligatio gratitudinis interminabilis existat, & non abre tessera ferebat vna, altera Myrtum, tertia vero rosam; hæc enim florū Regina colore, virtute perpetuò manet, Myrtus viridis eternitatis symbolum antiquitus dicebatur, Tessera verò cōtinuata alternatio: hinc factū est, Patres optimi, vt Iudas ille Machabeus diceret comilitonibus suis, Magnificè gratias agamus Deo, &c. iure quidem optimo, cum de ratione magnifici sit continuò magna facere, & non deficere; quare Paulus ad Thesalonicēses scripsit; Gratias agamus Deo sine intermissione: Ergo meritò refamiliari est necesse, quia qui beneficia

inuenit compedes inuenit. De anteaactis, Salmitanæ Urbis beneficijs Cœnobio collatis Eremitano, Iulianus ille à Salē, olim Religionis nostræ Generalis Ampliſſimus (Cuius memoria in benedictione eſt) ſine termino Deo ſuo, pro vobis rogat, obſecrat, impetratur, & gratis agit: de nouiſſimis autem muneribus, hac noſtra tēpeſtate, vtiq; permanebit reſa- mulatio in cordibus noſtris, vnde Patres Reuerēdi rapiamus occaſionē de die, dumq; virent gēua, quoniam Salem, qui in propria & radice originaria Deū notat, cōfortauit ſeras portarum noſtrarū, & adipe frumenti ſatiauit nos. Gratię puellę ſunt, quia gratia debet eſſe recens quoad affectū: Vis reddere beneficiū, accipe benignē; quoniā debet quantum ad donum expectari tēpus, quo recōpenſatio ſit opportuna benefactori. Itaq; Darius cum eſſet priuatus, nec regiā dignitatē adeptus, quadā veſte a Sylophone Samio donatus eſt; hinc Darius expectandā ratus opportunitatē nihil ei dedit, vel in principio retribuit, cōterum vbi primā Regnum adeptus eſſet, Urbē, & inſulā Sylophonti parerē iuſſā eius vſui, imperioq; ſubiecit. Expectauit itaq; Darius meliorē reddendæ, cumulandæq; gratiæ occaſionem. Recens gratia Religionis noſtrę ad Urbē hanc, ſed antiqua charitas, puellas amor Salmitarū, ſed vetuſt- animus gratificandi; quapropter rogo vos, Ciues pacifici, vt Quid. 2. Amorum eleg. ſextadecima obliuiſcamini carminis, Verba puellarum Iolijs leuiora caducis; quia Reges, & Regi- nę turba puerorū, & puellarū caterua vbiq; circundantur, cū per eos ad benefactores vicē reddant; qua de re puellus Tho- bias ad ſenem Tobīā patrem dicebat; Peto te pater mi, vt ro- ges Raphaelem, ſi fortē dignabitur medietatē de omnibus, quę allata ſunt, ſibi aſſumere; quoniam me duxit, reduxit,

pecu;

pecuniam recepit, diabolū fugauit, piscem fregit, teq; illuminauit, quibus cupiens refamulari senex quoq; ad iuuenē dicebat, quid illi ad hæc poterimus dignū dare? consulto igitur maiores nostri, pro beneficijs mutuis apud vos receptis, & recipiendis, me puerū destinarunt, vt recens gratia sit ab ore meo prolata, & per æuum in mente descripta. Gratia quoq; dicuntur Virgines, & incorruptæ, quia non corruptè, sed integrè, nō turpiter, sed honestè gratia refetenda est; sicut enim qui beneficium dedit integrè dedit, & honestè, ita qui referre vult gratiam. vt ille, cui refertur, sentiat quā concupiscat gratificari gratus, qui beneficium accepit: vt & lætus sit, qui contulit se prudenter egisse, quod in homine tam grato suū collocauerit beneficium. Vt autem integrè beneficiū referamus, oportet vt soluta gratia, nos ei debere fateamur, quia dignos nos suo beneficio iudicauit; prior .n. ad amicitia venit, vt meritò redametur, qui cœperit amare. Quocirca Admodū R. Pater Magister Ioa. Baptista Panormitanus Regni nostri prudentissimus absolutus Prouincialis, dum Prouinciā, mirificè sibi in gregem delatam agnosceret, ad Urbem hāc alloquebatur summa cū maiestate in Congregatione præterita dicens; Etsi libenter petere à te soleo, siquid opusest meorum cuipiā: tamen multò libentius gratias tibi ago cum fecisti aliquid cōmendatione mea, quod sēper facis, incredibile est .n. quas mihi gratias agant oēs, etiā mediocriter à me tibi comēdati, quæ mihi omnia grata, sed de Capitulo gratissimum, quapropter vt incorruptas gratias tibi præparet, sacrificia multa peregit; Eucharistia enim bona gratia vocatur, & Charitatis Sacramentum; & vt Virgines etiā redderet vicissitudines, gratiarum Reginam de Succurso Mariam rogauit, vt de ple-

nitudine eius rerum omnium retribuat. Additur & gratias risu
 sese conspiciere, quia non duriter, atq; asperè, non vi, sed spò-
 te gratia referenda est: vt qui beneficiū cōtulit, sentiat quàm
 libenter, quàm iucundè gratia referatur. læto vultu, gra-
 toque animo sicuti dan- dum, ita, & accipiendum erit bene-
 ficiū; qui enim contemptim accepit, iam ingratus est, si sibi
 beniuolè præstitum est. Ille verò qui hilarem accipit, & libe-
 ter, iam persoluit maximā beneficij partē, quæ in animo est;
 quoniam reddit pro bencuolentia bencuolentiā, licet nondū
 munus pro munere retulerit. deest interdum referēdi copia,
 interdum occasio, & quamdiu ista desunt, qui accepit bene-
 ficium tanquā relaturus, iam retulisse videtur: quia satis est
 voluisse, quoties posse non occurrat. sed mulitant quidam di-
 centes, cur ad beneficium reddendū iustitia nō astringimur?
 quia moralis seneca tertio de beneficijs c. 7. testatū reliquit,
 quod pars optima beneficij periret, cum enim res honestissi-
 ma sit i referre gratiam, desinit esse honesta si necessaria est,
 namque non magis laudabit quisquā gratum hominē, quàm
 eum, qui depositum reddit, aut quod debebat extra iudicem
 soluit. Ista duas res, quibus in vita humana nihil pulchrius est,
 corrumpimus gratum scil. cet hominē, & beneficium. Quid
 autē in hoc magnificum si beneficium non est, sed accōmo-
 datum, aut in illo qui reddidit, non quia vult, sed quia necesse
 est: Sarra Abrami vxor, vt sacris vtat, pro cōceptu filij, nōne
 risit post ostium, & gratias agēs dixit, Risum mihi fecit Do-
 minus? nulli dubium. N. quod risum reputaui errorē, & quā-
 uis puer, in operib⁹ suis risu plenis, ridiculus appareat, nihilo-
 minus pro munere satisfacit, cum interno externis ostendat;
 quare Patres nostri, qui viri sunt, pro risu cantu, conceutuq;

suau

suavi non ad mulcendas aures, vel pectora mitianda, verum
 ad referendas gratias vsi sunt. Ecce. H. gratiarū geographia,
 & hominum celebrata pictura quasi in tabula descripta, qua
 intellectus noster ethera penetrans, ad authorem gratiæ læ-
 tus cantat genuflexus; Omne datum optimū, & omne donū
 perfectū de sursum est, descendens à patre luminū; sed ò dul-
 cissime Iesu Christe, & quis habet quicquā nō tuum? Reddis
 debita, nulli debēs: donās debita, nihil perdēs. Hyero Syracu-
 sarū Rex, audita clade, qua Romani, apud Trasimenū lacū,
 erāt afflicti, trecēta millia modiū tritici, & ducēta millia hor-
 dei, auriq; ducēta, & quatragesima pōdo Vrbi nostræ muneri
 misit, liberalitatis maximè prēsagiū: verū quid paleis ad tritu-
 cum? quæ .n. participatio iustitię cum iniquitate? aut quę so-
 cietas lucis ad tenebras? quę autē cōuentio Christi ad Belial?
 aut deniq; quę pars fidelis cum infideli? nōne Melchisedech
 Rex Salē Abramo triūphatori panē, & vinū obtulit, vt tam
 gratia refocillaret se, & famelicos milites, quapropter Abra-
 mos refamulari cupiēs sūmo Sacerdoti, decimas dedit de om-
 nibus, id est ex tota praeda, quā hostibus ademerat, fortassis et
 ex receptis bonis Pētaopolitanorum ijs cōsentientibus. Meritō
 quidē illi, qui pro eo sacrificiū obtulerat, & qui ei benedixe-
 rat, dedit nō simpliciter munera, vel dona, sed vnum de decē,
 vt ait Caldeus. Cēterum Salmitarum Ciuiū liberalitatis cele-
 stem spiritum nullæ literæ satis dignis laudibus p̄osequētur;
 quo circa per dierū spaciū Vrbs Salē ministravit cētui, Agu-
 stiniano, & quā plurimis muneribus quēquam nostrā cumu-
 lauit: quasi .n. vnanimis cuncti. Senes, & Iuuenes, Diuites, &
 Pauperes; Religiosi, & Sāctimoniales, Societates, & Cōgrega-
 tiones, & Populus, & Senatus, Clerici, & Sacerdotes, pro voto

eorum soluerūt decimas, dona, munera, & omne, quod fuit
 necesse. Deo ergo gratias, qui dignatus est pascere gregem
 suum etiam in montibus, & Gierusalem. Diffugere niues :
 redeunt iam gramina campis, arboribusq; come. Mutat ter-
 ra vices, & decrefcentia ripas, fulmina prætereunt. Gratia cū
 niphis, geminisq; sororibus audet ducere nuda choros. Pa-
 tres ergo, & Magistri optimi iam hora, & nūc est, vt persol-
 uetis gratias, & par pro pari referatis, quia homini, & virtutē
 liberalitatis aufert ingratitude, namq; cū duplex sit genus li-
 beralitatis, vnū in cōferendis, præstandisq; beneficijs, alterū
 in referendis vtrāq; ē vita hominum ingratitude extinguit.
 Quis enim sublata omni spe præmij, quod ab ingratīs nō est
 sperandum, beneficentiæ, & liberalitati locum esse putabit?
 & licet à liberali merces non sit repetēda, nō tamen eius spes
 est abicenda, aut desperanda. Omnes enim mortales ferē spe
 quadā alimur, qua sublata nemo est, qui beneficia putet esse
 præstanda : Maximilicenses, qua parte præmia erga gratos
 posuerunt, ea supplicia aduersus ingratos sanxerūt. Legimus
 quasdam nationes, vbi si qui ingritudinis criminis conuin-
 cti essent palo medio gutture traiecto necabantur, dignū sanē
 tam nefario scelere supplicium: Pithagoras se ad inferos pro-
 fectum esse dicebat, vidisseq; ibi Homerum, atris serpētibus
 circumplctum, Hesiodum quoq; columna quadam alli-
 gatū durissima dare supplicia. Iam igitur ex his apparet quā-
 tas odij faces habeat hoc scelus nefariū: quo nimbo, qua pro-
 cella verborum ingratum caput obrui meretur? cum nullū
 scelus, nullum flagitium, nulla turpitudine, nulla immanitas,
 nulla crudelitas, nil deniq; horrendum, quod non ab hoc ne-
 fandissimo crimine exoriatur, quod non ab ingratorū perfī-
 dia,

dia, tanquam ab omnium malorum fonte manare, ac latius
 profluere videatur, serpit .n. hoc malum, & nescio quo pacto
 per omnes vitæ actiones irrepat, omnia sedans, omnia con-
 taminans, omnia cruētans, quocunq; dilabitur. Scio Domi-
 ne quod I. N. R. I. ingratitude nostra Redemptorem inter-
 fecit. O dulcissimè Iesu Chrīste confiteor tibi beneficia tua
 magna, quoniam eripuisti me de Inferno inferiori, semel, et
 secundo, & tertio, & centies, & millies, & ego sēper ad infer-
 num tendebam, & tu me semper reducebas, & iustè millies
 damnaſſes me, si voluisses, noluiſti quia amas animas, & dis-
 ſimulas peccata hominū. Tuum igitur sit totū id quod uiuo :
 & totus totum me tibi offero, totus spiritus, totum cor, totū
 corpus, tota vita mea uiuat tibi, vitā mea dulcis, quoniā totū
 me liberaſti, vt totum me possideres: totum me refecisti, vt
 totum me rehaberēs. Satis clareſcit .H. ælemētorum Crucis
 I. N. R. I. querimonia. Ingrate nō respicis Iesum? O imma-
 niſſimum ſcelus, ò pestiferam, & pernicioſam herbā ex agro
 huius vitæ radicitus euellendā, ò tabificum venenum ſocie-
 tatis humanæ. Pereat ergo tantum ſcelus, extingatur tātus
 ignis, & pēnitus infra homines nō reperiatur. Putabant an-
 tiquitus nobilitatem non poſſe cum ingratitude ſubſiſtere,
 cōſultò quidē, quia ingrati ſpes tāquam glacies hybernalis ta-
 beſcet, & diſperiet tanquam aqua ſuperuacua: quod autem
 Auguſtinenſis Religio (pace omnium ſit dictum) nobilitate
 alias ſuperexcedat, tum virtutum ſplendore, Monasteriorum
 multitudine, Prouinciarum numeroſitate, Sanctum copia,
 cum etiam temporis antiquitate, patet à Mare ad Mare, ab
 Oriente ad Occidētem, & vbique locorum, quos lumine ſuo
 ſerit Sol; cum qua nobilitate gratitudinem ſeruauit, ita vt nos

dica-

dicamur filij Magni Patris Aurelij, Augustini, quia semper augusta Religio, & aureliana est appellata, propterea quod & muneribus, & seruitute inseruiuit Ecclesiae sanctae Dei, hinc merito sedere numero sexaginta, & plures fortassis Religiones ad umbram tanti Patris gratissimi Augustini, quia similis simili gaudet, & omne simile diligit sibi simile. Vos ergo Ciues prudentissimi nobiles, & nos non ignobiles, vos grati, nos non ingrati; vos humani, nos non inhumani; vos collegistis, & nos collegimus; vos cibo refecistis, nos verbo salutis refecimus; vos hospitio suscepistis, & nos quoque suscepimus; vos honorastis, & nos honestauimus, vos denique gratias agitis, & nos gratias agimus, in hoc solum superiores sumus, quod omnes nos ad propria rura reuertentes, & ad menia nostra deuoluentes, cantabimus Salutarum magnificentiam, & opera eorum magnificabimus. Itaque, veluti tres sorores amplectamur ad inuicem gratitudinem perpetuo protestantes, & Deo optimo maximo gratias agamus, immo imitemur Moysen, qui ut populus verum Deum adoraret, spreto fusili opere, vitulum contriuit, conteramus & nos hoc ingratitudinis monstrum, si fortassis adhuc restat, & charitatem adoramus, qua maior non est virtus: etsi Infideles, & Gentiles, ut Crucis adoratio de Caluatio monte tolleretur, Venerem collocarunt, nos, ut ingratitudinis scelus perdamus, ponamus ibi gratitudinem; si etiam, ut tolleretur Licasta memoria in Ericino monte, ad radices eiusdem fideles, & inuicti Drepanita B. Virginis erexerent facellum, nos quoque contra ingratitudinem quam facillime gratitudini Templum erigamus. cuius fundamenta sint, pietas, gratia, liberalitas, & magnificentia; parietes, Abramus, Iacob, Lot, & Iob, sint columna marmorae mulieres fortes, Tecuictis, ludit,

Iudit, Abigail, & Ester, super luminaria Templi Arca Noe, altera Federis, Salomonis Templum, & Ierusalē; sint picture prudentissimæ fæminæ, quarum altera dragmam quærit, alia portans lilia conuallium, reliqua spicos colligens post metentium terga, nouissima parturiens coram dracone, Samson madibula iumēti arida dissipans inimicos, sint paradoxa ingratus, & gratus populus fidelis, & infidelis Ciuitas, Salē maior, & minor orbe, ciues deniq; nobiles, & ignobiles, sint enigmata tria elementa vocalia V. V. V. quibus inducitur quod veritas vulnere virefcit, quinque E.E.E.E.E. Ego enim eadem existens æternitati, quinque M.M.M.M.M. mensura, motus, me minimè metitur, sint tres T.T.T. tres F. F. F. & tres D.D.D. Totum terit tempus, Fortitudinem, fœdera, famam, Diuitias decorem dominatum, sint Orientales gemmæ, Adamans, Agata, Ametistus, Allectorius, Agiristes, Alabādina, Berillus, Calculus, Carbunculus, Crisopatius, Crisolitus, Calcedonius, Iaspis, Iacintus, Topatium, & Diacletes. Vnde fidelis anima Templum hoc ingressa canit. Benedic anima mea Dominum, & omnia quæ intra me sunt, & noli obliuisci omnes retributiones eius, quia, qui obliuiscitur beneficijs affectus, hic nunquam erit generosus vir. En Patres Reuerendi constituto templo, quid superest, nisi gratitudini sacrificemus, vt eò magis repellatur ingratitude: hæc victima præcipiebatur à Domino dicēte; si imolaueris hostiā pro gratiarum actione Domino, vt possit esse placabilis, eodē die comedetis eam, nō remanebit quicquam in mane alterius diei. Sed cur noluit conseruationē in die altero? vt sēper noua fieret victima, & recōpensatio: Vt ergo finem imponamus orationi, mementote illud Esdræ lib. 2. caput duodecimū, figura

huius Capituli nostri, gratiarumq; actionis: cōgregati enim sunt filij cunctorū circa Ierusalē vt facerent dedicationem, & lætitiā in actione gratiarum, & cātico, & in cimbalis, & psalterijs, & citharis, & resonabat sonus in ore eorum Gratias Deo, qui facit misericordiā nobiscū. O inclita Vrbs Patres Agustinienses in Salē congregati cū musicis, litteris, concionibus, orationibus, disputationibus, & Præfectorū electionibus, victima est animus cunctorū tibi sacratus, cuius mysterij, licet nō Sacerdos sui, minister, qui corda omniū, breui cōpendio, manifestavi, cātate ergo omnes Deo gratias; Ego vero interim excitabo vires meas, & ad cœlum clamabo.

IAM de somno, in quo tamdiū misera torpuisti anima mea euigila.

De peccato ingritudinis cor meum exurge.

Surge, & gratitudinem visceribus inuoca.

O, iam tempus est anima surge.

Vrge, & Deum tuum implora.

Ora, & suaui voce clamans.

Ama vt te clementer expurgat.

Purga Domine, & spiritum tuum emitte.

Mitte quem missus es, & gratiā diuinā infundat.

Fundat nobiscum consortem.

In manibus tuis sortes meæ.

Eæ ad Empireum nos conducant.

Permissisti?

Missisti.

Consolamen.

Solamen.

Deo gratias.

Dicebam.

Vigila.

Surge.

Voca.

Vrge.

ora.

Amans.

Purgat.

Mitte.

Fundat.

Sortem.

Eæ.

Ducant.

Isti.

Amen.

Gratias.

AVGVSTINO

Encomiasticon.

ALME Pater, Lux Doctorum, fideiq; columna,
 Submissis animis hodie tua numina nobis
 Auxilium, studijq; bono, nostrumq; vocamus.
 Te FIRMAMENTVM. supplex Ecclesia dicit
 Vsq; scientificum, & magnum sine numine Numen:
 AVGVSTINE piorum consolator, Euander
 Alter, qui fabricari numerosæ proles in Orbe
 Ordine tam vario statuisti; faxq; decoris,
 Forma venustatis; fons morum, balsama fama,
 Malleus hæreseon: Met hodus rectissima vitæ,
 Iustitiæ gladius; studiorum laurea, pratum
 Florum diuerso viridans in odore colore.
 Omnes Musarum penetrali ritè meatus,
 Et nihil occultum quod te latuisse putemus.
 Ecce Neoptolomei vestri, vestigia docta
 Pro modulo viuendo legunt (licet eminus) vnde
 Lumen vt ingenij vestro sub nomine crescat,
 Intercede, DEVMQ; roga, supplexq; præcare:
 Amen.

